

APPROBATIO COLLEGII MEDICI
BRUXELLENSIS.

Quamquam locuples Materix Medicæ thesaurus, in Dispensatorio Pharmaceutico Austriaco-Viennensi, reperibilis, præ se ferat, multiformium elegantiumque Compositionum ac Præparationum, talem apparatus; ut nil ultra, Sagaci Medico, pro indicationibus suis abunde satisfaciendis desiderandum linquere videatur: nihilominus, Appendicem, per Editores, à nobis expetitam, Compositionum aliquot ac Præparationum, haud minus expertæ efficacix, subnectere ad calcem Libri, pro publici bono, consultum duximus. Cæterum non possumus, quin Typographis annuamus & congratulemur; susceptumque eorum laborem omni laude dignum judicemus: Quandoquidem hoc Pharmaceuticum Opus, in his regionibus Medicam & Pharmaceuticam Artem profitentibus, tam utile ac necessarium quam in Germania, formâ magis concisâ & commodâ, recusum; facile nunc à quovis & modico pretio, comparari poterit. Datum Bruxellis die 20. Aprilis 1747.

J. J. J. DE HOZE, *Prefectus.*

P. J. DU MONT, *Prefecti Vicarius.*

F. DE BRUYN,

J. J. DE BOURGOGNE, } *Visitatores Ordinarii.*

J. PERRET, *Quæstor.*

M. C. BACLE, *Syndicus.*



IN NOVAM HUIUS OPERIS EDITIONEM
EPIGRAMMA.

Auspiciis CAROLI, quondam, quod in Urbe Vienna
Prodiit; en auctum nobile prodit Opus.

O utinam in dicta, quos fructus protulit, Urbe
Percipere his pariter Belgica nostra queat.

AUGUS.